

CONVOCATORIA DE DISPENSA DE ASISTENCIA A CLASE 2023-2024

De conformidade cos Estatutos da Universidade de Santiago de Compostela e consonte a Instrución nº 1/2017, da Secretaría Xeral, sobre a dispensa da asistencia a clase en determinadas circunstancias, o alumnado da Escola Politécnica Superior de Enxeñaría poderá solicitar a dispensa de asistencia a clase, mediante solicitude motivada e debidamente acreditada.

1. Solicitudes.

A solicitude, conforme ao impreso dispoñible na páxina web do Centro na lapela de Información Académica, xunto coa documentación xustificativa correspondente, enviarase por correo electrónico ao seguinte enderezo eps.uaxcd@usc.es ou presentarse no despacho da Responsable de Apoio a Xestión de Centro e Departamento (pavillón central, 2º andar).

2. Prazo.

O prazo de envío/presentación da solicitude será nos seguintes periodos:

- Materias do 1º semestre e anuais: 06 setembro – 25 setembro
- Materias do 2º semestre: 29 xaneiro – 16 febreiro

No suposto de concorrer causas imprevistas e sobrevidas debidamente xustificadas poderán presentarse con posterioridade aos prazos sinalados.

3. Causas para a solicitude de dispensa.

- a) A enfermidade grave ou os tratamentos médicos inaprazables que impidan a presenza na Facultade do alumnado. Esta circunstancia deberá estar acreditada polo servizo de saúde público.
- b) O coidado de dependentes a cargo ata o segundo grao de consanguinidade ou afinidade. Esta circunstancia deberá acreditarse co recoñecemento da situación de dependencia expedido pola Xunta de Galicia ou administración competente.
- c) A prestación de servizos por conta allea ou por conta propia, sempre que non se poda acoller ao réxime de matrícula a tempo parcial. Para acreditar esta circunstancia os traballadores por conta allea deberán aportar copia da alta no réxime Xeral da Seguridade Social, do contrato e do horario de traballo; e os traballadores autónomos copia da alta no Réxime Especial de Traballadores Autónomos, do recibo de pagamento da última cotización e do horario de traballo.
- d) A persoa que presentou unha denuncia por acoso, ou por outros comportamentos semellantes, sempre que ela considere máis adecuado para a súa saúde a dispensa.

4. Alumnado con necesidades educativas especiais.

O alumnado con necesidades educativas especiais poderá optar por solicitar unha planificación e seguimento da súa actividade académica que estea adaptada ás súas necesidades ou solicitar a dispensa de asistencia a clase e establecer a adaptación para o sistema de avaliación. A Comisión de Docencia, Validacións e Intercambios, aprobará a planificación que considere axeitada, previa solicitude dos informes que considere oportunos, que será comunicada a todos os Departamentos afectados.

5. Resolución.

A Comisión de Docencia, Validacións e Intercambios poderá conceder ou denegar as solicitudes de dispensa de forma motivada.

No caso de ser aceptada, producirá efectos a partir da data na que foi solicitada. Neste caso, a concesión da dispensa determinará o sistema de avaliación que debe seguirse e no que poderá considerarse un sistema de avaliación diferenciado do criterio xeral das materias.

A resolución será publicada no taboleiro electrónico da USC e notificada ao alumnado mediante notificación electrónica e ao PDI responsable das materias mediante correo electrónico.

Lugo, 5 de setembro de 2023

A Directora da Escola Politécnica Superior de Enxeñaría

Dona Rosa Romero Franco



Documento asinado dixitalmente e accesible en:/Documento firmado digitalmente y accesible en:/Digitally signed document with accessibility at:
<https://sede.usc.es/csv/D1E2-8676-4312-941A>

Ver detalle da sinatura na derradeira páxina/Ver detalle de la firma en la última página/See detail of the signature on the last page

CSV: D1E2-8676-4312-941A

Sinatura dixital / Firma digital / Digital signature

Asinante/Firmante/Signer: ROSA ROMERO FRANCO, DIRECTOR A DA ESCOLA POLITECNICA SUPERIOR DE ENXEÑARIA, UNIVERSIDAD DE SANTIAGO DE COMPOSTELA, 05/09/2023 11:44:33.

CSV: D1E2-8676-4312-941A